



Broj: 01-04-5-5719/24
Sarajevo, 13.05.2024. godine

U skladu sa članom 70. Zakona o javnim nabavkama BiH („Službeni glasnik BiH“ broj: 39/14 i 59/22) i preporukom Komisije za provođenje postupka javne nabavke broj: 08-11-15-5550-1/24 od 06.05.2024. godine, Zapisnika o pregledu i ocjeni ponuda broj: 08-11-15-5550/24 od 06.05.2024. godine, a na osnovu člana 15. stav 1. Pravilnika o javnim nabavkama Fonda za profesionalnu rehabilitaciju i zapošljavanje osoba sa invaliditetom broj: 01-02-2-7266/23 od 30.05.2023. godine, Upravni odbor Fonda za profesionalnu rehabilitaciju i zapošljavanje osoba sa invaliditetom, na 43.elektronskoj sjednici održanoj dana 13.05.2024. godine *d o n o s i*

O D L U K U

o izboru ponuđača „TCC REHAB“ d.o.o. Sarajevo za javnu nabavku kancelarijskog materijala, mašine, oprema i potrepština LOT 1 - kancelarijski materijal

I

Prihvata se preporuka Komisije za javne nabavke imenovane Odlukom broj: 01-04-5-3481/24 od 28.03.2024. godine u postupku nabavke kancelarijskog materijala, mašine, oprema i potrepština LOT 1 - kancelarijski materijal, te se donosi odluka o izboru ponuđača:

„**TCC REHAB“ d.o.o. Sarajevo**, za ponuđenu cijenu od 46.208,47 KM bez PDV-a, odnosno 54.063,91 KM sa PDV-om, te se imenovanom ponuđaču dodjeljuje ugovor.

II

Izabrani ponuđač nije dužan u roku od 5 (pet) dana od dana dostavljanja ove Odluke dostaviti originale ili ovjerene kopije dokumenata predviđenih članom 45. Zakona o javnim nabavkama, pobliže navedenih u tački 3.1.3., obzirom da je navedeno ponuđač dostavio u sklopu ponude.

III

Prijedlog ugovora o javnoj nabavci dostaviti će se na potpis izabranom ponuđaču po isteku roka od 15 (petnaest) dana od dana kada svi ponuđači koji su učestvovali u predmetnom postupku nabavke budu obaviješteni o izboru ponuđača.

IV

Ova odluka stupa na snagu danom donošenja i objavit će se na internet stranici Fonda u skladu sa članom 70. stav (6) Zakona o javnim nabavkama, istovremeno s upućivanjem iste svim ponuđačima koji su učestvovali u predmetnom postupku javne nabavke.

OBRAZLOŽENJE

Postupak javne nabavke je pokrenut Odlukom o pokretanju postupka javne nabavke broj: 01-04-5-3480/24 od 28.03.2024. godine. Javna nabavka je provedena putem otvorenog postupka za dostavu ponuda. Ukupna procijenjena vrijednost javne nabavke iznosi 50.000,00 KM bez PDV-a. Procijenjena vrijednost nabavke za LOT 1 - kancelarijski materijal iznosi 47.900,00 KM bez PDV-a.

Tendersku dokumentaciju je preuzelo 20 (dvadeset) privrednih subjekata, Izmjenu tenderske dokumentacije je preuzelo 10 (pet) privrednih subjekata, a 2 (dva) ponuđača su dostavila ponude u predmetnom postupku nabavke. Neblagovremenih ponuda nije bilo.

Ponude su dostavili sljedeći ponuđači:

Redni broj	Naziv i sjedište ponuđača
1.	„TMP društvo za zapošljavanje slijepih i slabovidnih lica“ d.o.o., Ramiza Salčina 2, Sarajevo, ID: 4200207500007
2.	„TCC REHAB“ d.o.o, Aleja Bosne srebrene 16, Sarajevo, ID: 4201227650001

Komisija za javne nabavke imenovana Odlukom broj: 01-04-5-3481/24 od 28.03.2024. godine je izvršila pregled i ocjenu ponuda, te konstatovala da je jedna zaprimljena ponuda od ponuđača „TCC REHAB“ d.o.o., Sarajevo prihvatljiva.

Tačkom 3.6. Tenderske dokumentacije i Aneksom 2 – „Obrazac za cijenu ponude“ je traženo da Ponuđač uz ponudu dostavi uzorak za stavke broj 4., 13. i 43. Dostavljeni uzorak za tačku 13. „Koverta za mašinsko pakovanje amerikan lijevi prozor“, mora biti dimenzija 114 x 229mm, te da ima klapnu "V" oblika. Klapna unutra mora biti 45 mm i vanjsko ljepljenje bočnih klapni. Bočne vanjske klapne trebaju biti zalijepljene sa vanjske strane. Koverta treba biti bijele boje i sa odštampanim logom Fonda i adresom u crnoj boji.

Ponuđač „TMP društvo za zapošljavanje slijepih i slabovidnih lica“ d.o.o., je dostavio kovertu, koja nije u skladu sa minimalnim zahtjevima traženim tačkom 13. Obrasca za cijenu ponude – Aneks 2. Uzorak dostavljene koverte ne ispunjava minimalne zahtjeve, jer klapna nije u obliku slova „V“ i dimenzija klapne je 43 mm. Dostavljeni uzorak navedenog ponuđača ne zadovoljava uslove kako je traženo.

Ugovorni organ koristi mašinu - kovertirku koja je pod garancijom. Za kovertirku se koriste isključivo koverte opisane tačkom 13. Obrasca za cijenu ponude – Aneks 2. Obzirom da je klapna na koverti u obliku slova „V“ i dužina klapne 45 mm zahtjevani uslov, ponuda ponuđača Društva za zapošljavanje slijepih i slabovidnih lica „TMP“ d.o.o. je proglašena kao nepravilna.

U skladu sa članom 4. stav 2. Pravilnika o uslovima i načinu korištenja e-aukcije („Službeni glasnik BiH“, broj 8/23) propisano je da u slučaju prijema jedne prihvatljive ponude e-aukcija se ne zakazuje.

Nakon izvršenog pregleda i ocjene ponuda, Komisija je dostavila Upravnom odboru Fonda za profesionalnu rehabilitaciju i zapošljavanje osoba sa invaliditetom Preporuku Komisije za nabavke broj: 08-11-15-5550-1/24 od 06.05.2024. godine o izboru ponuđača „TCC REHAB“ d.o.o. Sarajevo, ul. Aleje Bosne srebrene br. 16, ID: 4201227650001, sa ponuđenom cijenom od 46.208,47 KM bez

PDV-a, Zapisnik o pregledu i ocjeni ponuda broj: 08-11-15-5550/24 od 06.05.2024. godine i Izvještaj o radu broj: 08-11-15- 5550-2/24 od 06.05.2024. godine.


U postupku donošenja ove odluke, posebno su cijenjene činjenice da je Komisija pravilno i potpuno izvršila ocjenu kvalificiranosti ponuđača, kao i ocjenu prispjele ponude shodno kriterijima iz tenderske dokumentacije, te da je izbor izvršen u skladu sa Zakonom o javnim nabavkama, podzakonskim aktima i tenderskom dokumentacijom.

Uzimajući u obzir naprijed navedeno, odlučeno je kao u dispozitivu ove odluke.

Pouka o pravnom lijeku:

Protiv ove odluke ponuđač može izjaviti žalbu ugovornom organu u pisanoj formi u roku od 10 (deset) dana od dana prijema ove odluke.

PREDSJEDNIK UPRAVNOG ODBORA



Dr. Senad Pešto

Dostaviti:

- Upravni odbor
- Ponuđačima
- Služba za javne nabavke i informacione tehnologije
- Sektor finansijskih i računovodstvenih poslova
- a/a

